

妙法蓮華經通義


卷四

C40  
4514  
(11)



C40-4574

了翁上座請大藏及百  
家書置之宣州紫雲山  
戒微笑塔院宣府中未  
為學者不敢許出院內  
嘗山三世鐵牛機譯記



B 64863

妙法蓮華經通義卷第四

姚秦三藏法師鳩摩羅什奉

詔譯

明南嶽沙門憨山釋德清述

妙法蓮華經五百弟子受記品第八

此品來意五百弟子聞前法喻二周五人得

記復聞宿世因緣之事乃知佛以無量神通

方便引導衆生原下一乘之種子爾乃的信

佛心亦信自心決定成佛疑慮頓盡故云心

淨志慕授記故云踊躍堪荷家業父子情忘

故云深心本願。唯佛能知。故世尊與千二百各回授記。以溝出世本懷也。故此結集者。以授字爲品。謂旣發大信。堪當荷受。故此品來也。經舉千二百人。品標五百者。以五百爲千二之上首故。

爾時富樓那彌多羅尼子從佛聞是智慧方便隨宜說法。又聞授諸大弟子阿耨多羅三藐三菩提記。復聞宿世因緣之事。復聞諸佛有大自在神通之力。得未曾有心淨踊躍卽從座起到

於佛前頭面禮足却住一面瞻仰尊顏目不暫捨

此結集者敘致滿慈領悟之情也。從佛聞是等者。謂聞法說二智甚深。喻說三車。一車隨宜之權。同輩五人各得授記。今聞往昔大通之因緣。導師化城之神通。此上諸事皆一向所未曾聞者。所以得未曾有也。先是未聞此法。則尚懷疑執悋小果。旣聞開示。則疑惑消除。故曰心淨。自信成佛可期。故踊躍歡喜。故

80 1 2 3 4 5 6 7 8 9 100 1 2 3 4 5 6 7 8 9

法華通義卷四  
嚴整三業却住瞻仰冀佛授記也

而作是念世尊甚奇特所爲希有隨順世間若干種性以方便知見而爲說法拔出衆生處處貪著我等於佛功德言不能宣唯佛世尊能知我等深心本願

此述滿慈之辭也歎佛甚奇特希有者因聞三周開示領契佛心故發歎也隨順世間拔出貪著等正歎奇特希有之事也空生於般若會上忽見世尊護念付囑之心故歎希有

乃不言而喻今滿慈歷聞三周之說其見如來大慈大悲無非護念付囑之心令五性三乘遠令離著是爲甚奇希有之事蓋因言而悟也世尊前云迦葉等不能盡知如來真實功德滿慈自謂我等於佛功德其實言不能宣然我等深心助宣佛法護願流通意欲得記此心亦不能言唯佛世尊證知我心固不待言前迦葉等自述領悟尚有許多綢繆疑慮之情今滿慈但云深心本願唯佛證知則

80 1 2 3 4 5 6 7 8 9 100 1 2 3 4 5 6 7 8 9

從來不疑於佛。將顯內秘之本以發下根劣解之信。卽此是爲助宣之意也。故居千二百首。良有以也。

爾時佛告諸比丘汝等見是富樓那彌多羅尼子。不我常稱其於說法人中最爲第一。亦常歎其種種功德精勤護持助宣我法能於四衆示教利喜。具足解釋佛之正法。而大饒益同梵行者。自捨如來無能盡其言論之辯。

此下世尊歷叙滿慈內秘外現助宣佛法之

事。以述成其深心本願如此也。汝等見是下述滿慈現前助宣釋迦之法有如此者。滿慈最善說法。故世尊稱爲說法第一。捨如來不能盡其言論之辯。此述善說之極也。

汝等勿謂富樓那但能護持助宣我法亦於過去九十億諸佛所護持助宣佛之正法。於彼說法人中亦最第一。又於諸佛所說空法明了通達得。四無礙智。常能審諦清淨說法無有疑惑。具足菩薩神通之力。隨其壽命常修梵行。彼佛

80 1 2 3 4 5 6 7 8 9 100 1 2 3 4 5 6 7 8 9

世人咸皆謂之實是聲聞而富樓那以斯方便饒益無量百千衆生又化無量阿僧祇人令立阿耨多羅三藐三菩提爲淨佛土故常作佛事教化衆生

此述滿慈於過去佛所護持助宣之事亦見其深心本願也空法通達言達實相真空也。四無礙說法之辯也。唯佛能全滿慈亦具常能審諦則觀根逗機清淨說法則不著法相無有疑惑則決定說具足菩薩等則內秘外

現而人不知密行皆謂實是聲聞。但知其跡也。所化多衆令立菩提則所說者非小法也。淨土化生非小行也。皆是深心本願之事諸比丘富樓那亦於七佛說法人中而得第一今於我所說法人中亦爲第一於賢劫中當來諸佛說法人中亦復第一而皆護持助宣佛法亦於未來護持助宣無量無邊諸佛之法教化饒益無量衆生令立阿耨多羅三藐三菩提爲淨佛土故常勤精進教化衆生漸漸具足菩薩

80 1 2 3 4 5 6 7 8 9 100 1 2 3 4 5 6 7 8 9

法華通義  
卷四  
五

上述遠事過去多佛。此述近事過去七佛也。  
過去諸佛雖多。在莊嚴劫之最後。謂毘婆尸。  
尸棄。毘舍浮三佛。及賢劫初佛。拘留孫。拘那  
含。迦葉至我釋迦四佛通爲七佛。此其近劫  
相傳心印之佛也。自此已往賢劫將來至星  
宿劫諸佛。一一佛所皆能護持助宣佛法。專  
以說法爲行。淨土化生真菩薩道以爲成佛  
之基也。前五人得授因記世尊但說親近供  
養諸佛之行而已。今滿慈因記備述助宣護  
法之事。如此之詳至者。以世尊密意尊重護  
持正法。廣結成佛之緣爲大行也。故因中不  
必更修餘行。唯以助宣護持佛法爲第一妙  
行。而向後歷歷屬其持經廣歎法師功德。皆  
此意也。

過無量阿僧祇劫。當於此土得阿耨多羅三藐  
三菩提號曰法明。如來應供正徧知明行足善  
逝。世間解無上士。調御丈夫天人師佛世尊其

法華通義

卷四

七

佛以恒河沙等三千大千世界爲一佛土七寶爲地地平如掌無有山陵谿澗溝壑七寶臺觀充滿其中諸天宮殿近處虛空人天交接兩得相見無諸惡道亦無女人一切衆生皆以化生無有婬欲得大神通身出光明飛行自在志念堅固精進智慧普皆金色三十二相而自莊嚴其國衆生常以二食一者法喜食二者禪悅食有無量阿僧祇千萬億那由他諸菩薩衆得大神通四無礙智善能教化衆生之類其聲聞衆

算數校計所不能知皆得具足六通三明及八解脫其佛國土有如是等無量功德莊嚴成就刲名寶明國名善淨其佛壽命無量阿僧祇劫法住甚久佛滅度後起七寶塔徧滿其國

此滿慈得記也以因中弘法傳佛心印故不離當處而證菩提故果記當於此土得菩提也顧此娑婆本穢而滿慈果土純一清淨者足見卽穢卽淨密示實相真土矣但隨心轉變於是可知以因中於諸空法明了通達故

80 1 2 3 4 5 6 7 8 9 10 1 2 3 4 5 6 7 8 9 10

果號法明。以稱法性淨土利生廣大無量。故  
果感依報以恒沙娑婆通爲一土。以平等大  
悲清淨說法。故依報國土地平如掌。無有山  
陵。以稱法性建立諸法。故七寶臺觀充滿其  
中。以當說法淨穢情亡。善惡平等。故人天交  
接。兩得相見。無諸惡道。因中常修梵行。廣化  
衆生。故果土無有女人婬欲。衆生皆是化生。  
清淨說法之報也。衆生不從婬欲而生。故身  
出光明。永離欲縛。故飛行自在。衆生皆以從

法化生。故志念堅固。精進智慧。無諸雜亂妄  
想也。身皆金色。離欲之報也。衆生以食爲命。  
國人旣皆化生。則不攝受欲食。故唯以法喜  
禪悅爲食也。從來但說教菩薩法。故眷屬皆  
大菩薩。而聲聞亦多者。以漸漸具足菩薩之  
道。是亦願力所攝之衆也。上皆依報莊嚴也。  
刻名寶明。以法寶圓明故。時非五濁。故國名  
善淨。亦隨清淨說法之因也。壽命但云無量。  
而不言數。法住不言正像。但云甚久。而不定。

80 1 2 3 4 5 6 7 8 9

100

100

其期此以稱性說法。以法性本無始終故慧命常住。正法恒存。滅後起塔遍滿其國。此滿慈說法之因果獨記如此。足知如來密意。獨顯持經功勝也。且娑婆世界乃釋迦之化土也。名五濁惡世。衆苦所聚。名爲堪忍。其國山陵溝壑高下不平。便利不淨穢惡充滿衆生。婬欲沉淪生死之地。乃小乘之所厭怖。如牢獄桎梏。長辭而不敢再入者。今滿慈得記。不離此土。而證菩提。地平如掌。國土清淨之若

此絕無女人。衆生化生身相光明之若彼。又以無量婆婆通爲一土。其廣大又如此者。此正特示二乘開佛知見。則狹陋消除取捨情。門云。欣厭心息。卽目前所遇。純是華藏莊嚴清淨實報之佛土。更不向外馳求。直下不疑頓登佛地。此授記之功畢現於此。卽下根劣解。豈不自信而甘自外於佛知見乎。國土淨穢隨心轉變詎不信哉。觀此足見如來化生之善巧誠謂佛智不可思議矣。若以此記與衆

例視而輕忽之。則不達如來微妙之意也。

爾時世尊欲重宣此義而說偈言。

諸比丘諦聽佛子所行道善學方便故不可得  
思議知衆樂小法而畏於大智是故諸菩薩作  
聲聞緣覺以無數方便化諸衆生類自說是聲  
聞去佛道甚遠度脫無量衆皆悉得成就雖小  
欲懈怠漸當令作佛內秘菩薩行外現是聲聞  
少欲厭生死實自淨佛土示衆有三毒又現邪  
見相我弟子如是方便度衆生若我具足說種

種現化事衆生聞是者心則懷疑惑今此富樓  
那於昔千億佛勤修所行道宣護諸佛法爲求  
無上慧而於諸佛所現居弟子上多聞有智慧  
所說無所畏能令衆歡喜未曾有疲倦而以助  
佛事已度大神通具四無礙智知諸根利鈍常  
說清淨法演暢如是義教諸千億衆令住大乘  
法而自淨佛土未來亦供養無量無數佛護助  
宣正法亦自淨佛土常以諸方便說法無所畏  
度不可計衆成就一切智供養諸如來護持法

寶藏其後得成佛號名曰法明其國名善淨七寶所合成刻名爲寶明菩薩衆甚多其數無量億皆度大神通威德力具足充滿其國土聲聞亦無數三明八解脫得四無礙智以是等爲僧其國諸衆生婬欲皆已斷純一變化生具相莊嚴身法喜禪悅食更無餘思想無有諸女人亦無諸惡道富樓那比丘功德悉成滿當得斯淨土賢聖衆甚多如是無量事我今但略說

此頌通述弟子內秘外現之事也滿慈與身

子等十大弟子皆同德也獨露權應之跡居千二百之首正示特爲引進鈍根之方便將令知恩而信解也然聲聞有權現有實果若干二百人皆實果鈍根苟知滿慈等權應之跡必能捨小而信大矣故世尊於此發其秘密耳今此下三十句通頌權現護宣之行其後下二十二句別頌滿慈授記之事富樓下六句結頌可知言但略說則功德不可思議矣爾時千二百阿羅漢心自在者作是念我等歡

喜得未曾有若世尊各見授記如餘大弟子者  
不亦快乎佛知此等心之所念告摩訶迦葉是  
千二百阿羅漢我今當現前次第與授阿耨多  
羅三藐三菩提記

此千二百請記也以如來歎滿慈宿因深厚  
非千二百之所敢望今聞佛開示本爲接引  
鈍根亦各自信有成佛之分故歡喜以請佛  
知衆心故告迦葉者然已遂本懷中心自快  
故特告上首正如同事之人事偕而相慶意

也

於此衆中我大弟子憍陳如比丘當供養六萬  
二千億佛然後得成爲佛號曰普明如來應供  
正徧知明行足善逝世間解無上士調御丈夫  
天人師佛世尊其五百阿羅漢優樓頻螺迦葉  
伽耶迦葉那提迦葉迦留陀夷優陀夷阿毘樓  
馱離婆多劫賓那薄拘羅周陀莎伽陀等皆當  
得阿耨多羅三藐三菩提盡同一號名曰普明  
此授五百弟子記也釋尊初於鹿苑三轉四

諦法輪度叅侍五人而橋陳先悟以最初得度故居僧首乃實果羅漢之領袖故五百中特表而出之獨爲授記示異等也授記不言因行意有前列六人可法也果號普明以開佛知見入佛智慧無復癡暗也偈云常放大光明常說無上道故得此號其五百羅漢盡同一號其德同也不言劫國等事頌中具之經有長頌廣略互見之式  
爾時世尊欲重宣此義而說偈言

橋陳如比丘當見無量佛過阿僧祇劫乃成等正覺常放大光明具足諸神通名聞徧十方一切之所敬常說無上道故號爲普明其國土清淨菩薩皆勇猛咸升妙樓閣遊諸十方國以無上供具奉獻於諸佛作是供養已心懷大歡喜須臾還本國有如是神力佛壽六萬劫正法住倍壽像法復倍是法滅天人憂其五百比丘次第當作佛同號曰普明轉次而授記我滅度之後某甲當作佛其所化世間亦如我今日國土

80 1 2 3 4 5 6 7 8 9 100 1 2 3 4 5 6 7 8 9

之嚴淨及諸神通力菩薩聲聞衆正法及像法壽命劫多少皆如上所說迦葉汝已知五百自在者餘諸聲聞衆亦當復如是其不在此會汝當爲宣說

此頌陳那之記以標衆也。橋陳下十句頌正報果號其國土清淨下頌依報眷屬佛壽下三句頌壽命法住法滅下八句頌例五百次第成佛其所化世間亦如我今日則所化之機皆先權後實也國土之嚴淨下六句頌依

報眷屬法壽一一皆若橋陳也。迦葉汝已知下六句舉五百以例餘七百皆得果記相同也。此千二百授記之文不詳陳因行者以鈍根羅漢且令生信至若事佛功行又待各自發心耳不敢遽以難行所怖之事加之。此如來將護之意也。

爾時五百阿羅漢於佛前得受記已歡喜踊躍卽從座起到於佛前頭面禮足悔過自責世尊我等常作是念自謂已得究竟滅度今乃知之

法華經疏

卷四

四

如無智者所以者何我等應得如來智慧而便  
自以小智爲足

此五百自述領悟之懷也。我等應得等謂一  
向自以失於如來智慧。今日乃知本不曾失。  
但我等自以小智爲足耳。此領悟也。

世尊譬如有人至親友家醉酒而卧是時親友  
官事當行以無價寶珠繫其衣裏與之而去其  
人醉臥都不覺知起已遊行到於他國爲衣食  
故勤力求索甚大艱難若少有所得便以爲足

於後親友會遇見之而作是言咄哉丈夫何爲  
衣食乃至如是我昔欲令汝得安樂五欲自恣  
於某年日月以無價寶珠繫汝衣裏今故現在  
而汝不知勤苦憂惱以求自活甚爲癡也汝今  
可以此寶貿易所須常可如意無所乏短佛亦  
如是爲菩薩時教化我等令發一切智心而尋  
廢忘不知不覺既得阿羅漢道自謂滅度資生  
艱難得少爲足一切智願猶在不失今者世尊  
覺悟我等作如是言諸比丘汝等所得非究竟

80 1 2 3 4 5 6 7 8 9 100 1 2 3 4 5 6 7 8 9

滅我久令汝等種佛善根以方便故示涅槃相而汝謂爲實得滅度世尊我今乃知實是菩薩得受阿耨多羅三藐三菩提記以是因緣甚大歡喜得未曾有

此領因緣之說設喻自況也。大通智勝十六王子并無數人民如親友也。王子說法華經比爲我等已下一乘緣種如繫珠也是時不悟如醉臥也自此迷滯生死如遊行他國退住聲聞地故若少有得便以爲足也於後親

友會遇如今遇釋尊咄哉者喻昔日彈呵也。指示衣珠喻今開佛知見令悟本有佛性也。此喻昔失今得佛亦如是下。法合昔因今者世尊下。法合今緣我今乃知等法合今得故甚大歡喜得未曾有也。

爾時阿若憍陳如等欲重宣此義而說偈言我等聞無上安隱授記聲歡喜未曾有禮無量智佛今於世尊前自悔諸過咎於無量佛寶得少涅槃分如無智愚人便自以爲足譬如貧窮

80 1 2 3 4 5 6 7 8 9

100

1

1 2 3 4 5 6 7 8 9

100

1

1 2 3 4 5 6 7 8 9

100

1

1 2 3 4 5 6 7 8 9

人往至親友家其家甚大富具設諸肴膳以無  
價寶珠繫著內衣裏默與而捨去時臥不覺知  
是人既已起遊行詣他國求衣食自濟資生甚  
艱難得少便爲足更不願好者不覺內衣裏有  
無價寶珠與珠之親友後見此貧人苦切責之  
已示以所繫珠貧人見此珠其心大歡喜富有  
諸財物五欲而自恣我等亦如是世尊於長夜  
常愍見教化令種無上願我等無智故不覺亦  
不知得少涅槃分自足不求餘今佛覺悟我言

非實滅度得佛無上慧爾乃爲真滅我今從佛  
聞授記莊嚴事及轉次受決身心徧歡喜

此憍陳頌述今得悔責昔失也我等聞無上  
三句慶今得也禮無量下七句悔昔失也譬如  
如貧窮人下十六句頌喻昔緣與珠之親友  
下八句頌喻今緣我等亦如是下八句頌合  
昔因今佛下四句頌合今緣我今下四句總  
頌得記故自慶也

妙法蓮華經授學無學人記品第九

80 1 2 3 4 5 6 7 8 9

100 1 2 3 4 5 6 7 8 9

此品來意由前三周開示當機聞已。各信自心不疑佛說。故上首弟子自無學并五百及千二百皆久受教化。各得受記業已。安慰其心矣。尚有新學聲聞。若阿難羅睺等各願得記。以滿衆望。以見佛平等之慈。故各爲授記。因以名品。故此品來也。然佛性有三種因。謂正因緣因。了因。三因。若顯成佛無疑。人人本具。故爲正因。要假教法知識助發。乃顯故爲緣因。自信了悟。故爲了因。若舍利弗等五人。

了悟之速者。乃正因深厚也。若五百弟子者。廣引昔緣。以見久受教化。乃緣因熟也。而緣因之中。有親有因。起信論云。或示親友。今學無學輩。若弟若子。是緣因之中。而最親者。無不得度之理也。故盡授記。方見如來平等慈悲之意。故次前品。

爾時阿難羅睺羅而作是念。我等每自思惟。設得授記。不亦快乎。卽從座起到於佛前頭面禮足。俱白佛言。世尊。我等於此亦應有分。唯有如

來我等所歸。又我等爲一切世間天人阿脩羅所見知識。阿難常爲侍者護持法藏。羅睺羅是佛之子。若佛見授阿耨多羅三藐三菩提記者。我願既滿衆望亦足。爾時學無學聲聞弟子二千人皆從座起偏袒右肩到於佛前一心合掌瞻仰世尊如阿難羅睺羅所願住立一面。

此記有學衆也。蓋學於無學故名有學。乃新學小聲聞耳。阿難爲佛弟。羅睺爲佛子。所謂攝受親也。因見千二百無學皆得授記乃遺

有學故思惟以請。然阿難多聞。羅睺密行。皆內秘之儔。今列有學者以有學不敢希記。向以成佛非已智分不知所請。若不假大權引導。則不蒙佛指名的授以決衆疑。故示居此耳。以二尊宿爲衆知識。今列學衆若得記。則皆可得矣。故曰我願既滿衆望亦足。爾時學無學二千人因見阿難啓請。故一心同請。爾時佛告阿難汝於來世當得作佛號山海慧自在通王如來應供正徧知明行足善逝世間。

解無上士調御丈夫天人師佛世尊當供養六十二億諸佛護持法藏然後得阿耨多羅三藐三菩提教化二十千萬億恒河沙諸菩薩等令成阿耨多羅三藐三菩提國名常立勝旛其土清淨琉璃爲地刮名妙音徧滿其佛壽命無量千萬億阿僧祇劫若人於千萬億無量阿僧祇劫中筭數校計不能得知正法住世倍於壽命像法住世復倍正法阿難是山海慧自在通王佛爲十方無量千萬億恒河沙等諸佛如來所

共讚歎稱其功德爾時世尊欲重宣此義而說偈言

我今僧中說阿難持法者當供養諸佛然後成正覺號曰山海慧自在通王佛其國土清淨名常立勝旛教化諸菩薩數如恒沙佛有大威德名聞滿十方壽命無有量以愍衆生故正法倍壽命像法復倍是如恒河沙等無數諸衆生於此佛法中種佛道因緣

此阿難多聞持佛法藏智慧高深通達自在

80 1 2 3 4 5 6 7 8 9 100 1 2 3 4 5 6 7 8 9

故果號如之教化二十千萬億恒沙菩薩則  
唯以大法攝化純一無雜也。國名常立勝旛  
則以正法摧邪尊勝如幢。刲名妙音徧滿則  
法音所感壽命不可校計。法住倍之則法性  
常住之應也。以持諸佛法藏故諸佛讚其功  
德頌偈如文可知。

爾時會中新發意菩薩八千人咸作是念我等  
尚不聞諸大菩薩得如是記有何因緣而諸聲  
聞得如是決。

新發意菩薩聞阿難記而生疑者將以啓其  
夙因也。其所疑者以壽命法住遠而無極也。  
爾時世尊知諸菩薩心之所念而告之曰諸善  
男子我與阿難等於空王佛所同時發阿耨多  
羅三藐三菩提心阿難常樂多聞我常勤精進  
是故我已得成阿耨多羅三藐三菩提而阿難  
護持我法亦護將來諸佛法藏教化成就諸菩  
薩衆其本願如是故獲斯記。

此世尊發明阿難遠因以釋大衆之疑也以

阿難與佛同時發心。但佛願度生故勤精進。  
阿難樂多聞故願持法藏法性無量故壽命  
無窮純教菩薩故國無二乘。其本願如此故  
果亦如之。諸弟子獨滿慈阿難特異於衆蓋  
重持法之功也。

阿難面於佛前自聞授記及國土莊嚴所願具  
足心大歡喜得未曾有卽時憶念過去無量千  
萬億諸佛法藏通達無礙如今所聞亦識本願  
爾時阿難而說偈言

世尊甚希有令我念過去無量諸佛法如今日  
所聞我今無復疑安住於佛道方便爲侍者護  
持諸佛法

阿難因聞佛記又述昔因卽能憶念過去無  
量諸佛法藏亦識本願卽如善財於彌勒樓  
閣前聞彈指之聲頓見閣中無盡諸佛境界。  
是知諸佛法藏乃阿難閻閣中物耳偈言方  
便爲侍者正是自識本願則不可與諸悔失  
慶得者同日語也。記獨異衆宜矣。阿難宿因

80 1 2 3 4 5 6 7 8 9

100 1 2 3 4 5 6 7 8 9

如此楞嚴摩登之事豈顛倒夢想乎

卷四

四

爾時佛告羅睺羅汝於來世當得作佛號蹈七寶華如來應供正徧知明行足善逝世間解無上士調御丈夫天人師佛世尊當供養十世界微塵等數諸佛如來常爲諸佛而作長子猶如今也是蹈七寶華佛國土莊嚴壽命劫數所化弟子正法像法亦如山海慧自在通王如來無異亦爲此佛而作長子過是已後當得阿耨多羅三藐三菩提爾時世尊欲重宣此義而說偈

言

我爲太子時羅睺爲長子我今成佛道受法爲法子於未來世中見無量億佛皆爲其長子一心求佛道羅睺羅密行唯我能知之現爲我長子以示諸衆生無量億千萬功德不可數安住於佛法以求無上道

此羅睺羅得記也。羅睺密行第一。今記得果號蹈七寶華則所履微妙密妙行所感也。爲佛長子言能克荷家業意表成佛以行爲首也。

80 1 2 3 4 5 6 7 8 9 10 1 2 3 4 5 6 7 8 9 10

其國土壽命眷屬法住皆與阿難等者顯聞思修行本無異慧命均等故果報亦等理宜然也

爾時世尊見學無學二千人其意柔軟寂然清淨一心觀佛佛告阿難汝見是學無學二千人不唯然已見阿難是諸人等當供養五十世界微塵數諸佛如來恭敬尊重護持法藏末後同時於十方國各得成佛皆同一號名曰寶相如來應供正徧知明行足善逝世間解無上士調

御丈夫天人師佛世尊壽命一劫國土莊嚴聲聞菩薩正法像法皆悉同等爾時世尊欲重宣此義而說偈言

是二千聲聞今於我前住悉皆與授記未來當成佛所供養諸佛如上說塵數護持其法藏後當成正覺各於十方國悉同一名號俱時坐道場以證無上慧皆名爲實相國土及弟子正法與像法悉等無有異咸以諸神通度十方衆生名聞普周徧漸入於涅槃

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

爾時學無學二千人聞佛授記歡喜充滿如甘露偈言

世尊慧燈明我聞授記音心歡喜充滿如甘露見灌

此普授有學衆記也。此有學衆皆新學聲聞衆皆知其難並無學者也。一槩特記恐衆見疑故世尊先言其意柔軟寂然清淨則因聞妙法已踐無學之境堪當得記衆所未知所以佛告阿難汝見是二千人不意謂可會見

此衆現前領悟之心也。以此示之潛消衆疑故爲授記以因中護持法藏故果號寶相謂以佛法寶藏爲自莊嚴也壽命劫國等皆悉同者以因同也此二千人向於法中未見行事故記亦大略不一一也頌文可知言漸入於涅槃則亦以三乘化導也既聞記已歡喜踊躍故說偈讚謝

妙法蓮華經法師品第十

此品來意由前世尊廣讚一乘甚深微妙能

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

信受者卽得成佛故諸大弟子各得授記然此一乘乃衆生本具正因之佛性也今以如來方便開示說此妙法以爲助顯之緣因無不了悟乃堪荷負以今證昔旣知大通之本因緣緣至今而不失則知今日一會之法緣又爲將來無盡之種子所謂凡有聞法者無一不成佛乃至一念隨喜者卽得菩提故以法師標品以心爲師故名法師意在今以法華之正因要託法師以開顯以爲將來窮劫

之勝緣蓋佛性種子要借緣熏。熏有新舊大通爲舊熏今乃新熏也法師有五種謂隨喜讀誦受持書寫解說但能一種卽名法師以此經已有如來全身故能持者卽爲荷擔如來故當敬侍如佛以顯殊勝妙法要假人弘則使佛種不斷故毀謗者其罪甚重以斷佛種性故也由是以見如來出世本懷已周故次授記此品來也

爾時世尊因藥王菩薩告八萬大士藥王汝見

80 1 2 3 4 5 6 7 8 9

40

100

1

2 3 4 5 6 7 8 9 100 1 2 3 4 5 6 7 8 9

是大衆中無量諸天龍王夜叉乾闥婆阿脩羅迦樓羅緊那羅摩睺羅伽人與非人及比丘比丘尼優婆塞優婆夷求聲聞者求辟支佛者求佛道者如是等類咸於佛前聞妙法華經一偈一句乃至一念隨喜者我皆與授記當得阿耨多羅三藐三菩提

此下廣記八部以示平等大慈極顯持經之益也前白毫兌中所見若諸佛子種種因緣而求佛道是則前諸授記乃三乘人種種因

緣而求佛道者也又曰諸求三乘人若有疑惑者佛當爲除斷是知現前八部皆求三乘之人也追其昔因此輩豈非大通智勝之遺乎然此等輩佛出世皆爲護法則聞法之緣業已熟矣況今聞此妙法一偈一句乃至一念隨喜者皆與授記當得菩提以示平等佛慧故與現前一一授記以顯妙法之勝益也此特告藥王者乃忘身捨執妙契此法能持之人卽爲持經者之師表也

80 1 2 3 4 5 6 7 8 9 10

1

10

1

2

3

4

5

6

7

8

9

法華通義

卷四

五

佛告藥王又如來滅度之後若有人聞妙法華經乃至一偈一句一念隨喜者我亦與授阿耨多羅三藐三菩提記

此懸記未來持法之人也如來滅後此法在世卽法身常住故若聞一偈一句乃至一念隨喜者已有成佛真種如人食少金剛終竟透皮而出無不成佛之理也故亦爲授記此但言隨喜者下正示六種法師

若復有人受持讀誦解說書寫妙法華經乃至

偈於此經卷敬視如佛種種供養華香瓔珞未香塗香燒香繪蓋幢旛衣服技樂乃至合掌恭敬藥王當知是諸人等已曾供養十萬億佛於諸佛所成就大願愍衆生故生此人間藥王若有人問何等衆生於未來世當得作佛應示是諸人等於未來世必得作佛

隋菩薩譜

此示六種法師正是持經之人也謂此六種持經之人能敬此經如佛而供養恭敬者是人則已曾供多佛宿福深厚成就大願而來

者。若有人問何等衆生於未來當得作佛。我應示是諸人等必當作佛也。天台判六種法師。當五品觀行位。卽以隨喜妙法爲成佛真種。故必得作佛無疑矣。寂音謂修多羅有觀照二門。是妙方便故。凡言於此經受持讀誦書寫演說者。觀照方便之力也。五品觀行者。謂一隨喜。二讀誦。三說法。四兼行六度。五正行六度。言隨喜者。問隨喜何法。答妙法。妙法者。卽此心也。妙心體具如如意珠。心佛及衆大字爲成佛之因也。

今是三無差別。此心卽空卽假卽中。常境無相。常智無緣。無緣而緣無非三觀。無相而相。三諦宛然。是故五種法師必得作佛者。觀行之力也。故東印土國王請二十七祖齋王。問尊者。何不看經者。曰。貧道出息不涉衆緣。入息不居陰界。常轉如是經。百千萬億卷。是知持經所重。觀照持心。非循行數墨執紙墨文。何以故。若善男子。善女人。於法華經乃至一句。

80 1 2 3 4 5 6 7 8 9 10

1 2 3 4 5 6 7 8 9 10

受持讀誦解說書寫種種供養經卷華香瓔珞  
末香塗香燒香繒蓋幢旛衣服伎樂合掌恭敬  
是人一切世間所應瞻奉應以如來供養而供  
養之當知此人是大菩薩成就阿耨多羅三藐  
三菩提哀愍衆生願生此間廣演分別妙法華  
經何況盡能受持種種供養者藥王當知是人  
自捨清淨業報於我滅度後愍衆生故生於惡  
世廣演此經若是善男子善女人我滅度後能  
竊爲一人說法華經乃至一句當知是人則如

○但如來所遣行如來事何況於大衆中廣爲  
人說

此徵釋上持經緣勝所以也。上言能持一句  
則具六種法師之功德。何況能持全經。然在  
惡世演此經者是人定是淨土果人示生惡  
世者也。若如來滅後有能竊爲一人說此經  
一句者是人卽是如來所使行如來事之人。  
何況爲衆廣演者乎。以將如來之慧命故也。  
藥王若有惡人以不善心於一劫中現於佛前

法華經疏

卷四

三

常毀罵佛其罪尚輕若人以一惡言毀訾在家出家讀誦法華經者其罪甚重此戒勿輕毀持經之人也佛體如空毀之如唾空耳持經之人慧命所係毀之則斷佛種故罪不容悔

藥王其有讀誦法華經者當知是人以佛莊嚴而自莊嚴則爲如來肩所荷擔其所至方應隨向禮一心合掌恭敬供養尊重讚歎華香瓔珞末香塗香燒香繒蓋幢旛衣服肴饌作諸技樂

中上供而供養之應持天寶而以散之天上寶聚應以奉獻所以者何是人歡喜說法須臾聞之卽得究竟阿耨多羅三藐三菩提故

此勉敬事持經之人如敬佛者以能持此心則全體是佛則爲如來肩所荷擔不但荷擔如來也昔佛上忉利天爲母說法優闐王與諸弟子思慕世尊因目連等三十二人往詣天宮以旃檀香造如來像請回人間四衆瞻禮及世尊自天宮回見像作禮讚曰我滅度

後賴汝於震旦國度人無量然一香像尚能持佛慧命況持此經之人乎然如來肩所荷擔隨所至方尊重供養宜矣所應尊重如此者以歡喜說須臾聞即得菩提故也

爾時世尊欲重宣此義而說偈言  
 若欲住佛道成就自然智常當勤供養受持法華者其有欲疾得一切種智慧當受持是經并供養持者若有能受持妙法華經者當知佛所使愍念諸衆生諸有能受持妙法華經者捨於

清淨土愍衆故生此當知如是人自在所欲生能於此惡世廣說無上法應以天華香及天寶衣服天上妙寶聚供養說法者我滅後惡世能持是經者當合掌禮敬如供養世尊上饌衆甘美及種種衣服供養是佛子冀得須臾聞若能於後世受持是經者我遣在人中行於如來事此總頌持經之勝益也佛道高遠不易住自然智妙出天然不易成但當供養持經之人則皆易矣一切種智佛果智也積劫修因然

後乃得今但持此經并供養持者則疾得矣。是知妙法全體在經與人也。故持經之人非如來所使其。孰能之。諸有能受持下八句頌捨清淨業報等文。應以下四句頌既是果人故應當供養也。吾滅後下十二句言惡世難持能持難聞。幸聞故當敬禮供養冀得須臾聞也。所以惡世能持者非如來所遺則不能也。

若於一刻中常懷不善心作色而罵佛獲無量

重罪其有讀誦持是法華經者須更加惡言其罪復過彼有人求佛道而於一刻中合掌在我前以無數偈讚由是讚佛故得無量功德歎美持經者其福復過彼於八萬億刻以最妙色聲及與香味觸供養持經者如是供養已若得須臾聞則應自欣慶我今獲大利藥王今告汝我所說諸經而於此經中法華最第一

此頌較毀讚之罪福也。如長行可知。毀者之罪如此而讚者獲福又如彼所重慧命不斷

80 1 2 3 4 5 6 7 8 9 100

1 2 3 4 5 6 7 8 9 100

也。於八十億劫下八句頌以長時之供養慶  
須臾之得聞以供乃人天小善聞乃直得菩  
提故爲獲大利也。藥王下四句頌結勝益。以  
諸經中此法華經爲第一故。

爾時佛復告藥王菩薩摩訶薩我所說經典無  
量千萬億已說今說當說而於其中此法華經  
最爲難信難解藥王此經是諸佛秘要之藏不  
可分布妄授與人諸佛世尊之所守護從昔已  
來未曾顯說而此經者如來現在猶多怨嫉況

滅度後

此下顯法深妙承上第一誠勿輕授也。三世  
諸佛所說經無量萬億卽釋尊所說諸經亦  
無量萬億唯獨此法華經難信難解者以是  
諸佛秘要之藏故諸佛所寶故不可妄授匪  
人一向守護久默而未顯說者以如來現世  
猶多怨嫉如退席之儕況滅後乎所以慎勿  
輕授也

藥王當知如來滅後其能書持讀誦供養爲他

人說者如來則爲以衣覆之又爲他方現在諸佛之所護念是人有大信力及志願力諸善根力當知是人與如來共宿則爲如來手摩其頭此言如來滅後惡世難持能持者一以仗佛覆護二以自有三種大力也佛以忍辱爲衣謂心體妙法住寂滅忍是如來以衣覆之也隨順覺性故爲諸佛所護念也徹信自心爲大信力志以此法普施衆生爲大志願力承事諸佛心無疲厭爲善根力妙契法身故與

力不外去宿念佛故應忍故爲如來摩頭安慰也苟非具斯數者而於惡世持經難矣

藥王在在處處若說若讀若誦若書若經卷所住處皆應起七寶塔極令高廣嚴飾不須復安舍利所以者何此中已有如來全身此塔應以一切華香瓔珞繪蓋幢旛技樂歌頌供養恭敬尊重讚歎若有人得見此塔禮拜供養當知是等皆近阿耨多羅三藐三菩提

此言經卽如來法身全體故在處皆應起塔

也。以法身無依。以塔爲依。故此塔卽應種種供養也。見塔禮拜。以親近法身故。卽近菩提。藥王多有人在家出家行菩薩道。若不能得見。聞。讀。誦。書持。供養是法華經者。當知是人未善行菩薩道。若有得聞是經典者。乃能善行菩薩之道。其有衆生求佛道者。若見若聞是法華經。聞已信解受持者。當知是人得近阿耨多羅三藐三菩提。

此言妙法爲菩薩修行求佛之本也。凡有僧

俗欲行菩薩道而不聞此經。是人未善行菩薩道者。以不達本故也。大經云忘失菩提心。而修諸善根。是爲魔業。以心外取法故。所謂達本情亡。知心體合。所以爲善。故得聞是經。乃可以爲善行也。此則乃佛知見。若聞是經。信解受持者。則爲開佛知見。故得近菩提。下設喻以明其善行。

藥王譬如有人渴乏。須水於彼高原穿鑿求之。猶見乾土。知水尚遠。施功不已。轉見濕土。遂漸

至泥其心決定知水必近

此喻求法之要爲善行之警也。水喻正因佛性。高原喻煩惱深厚。穿鑿喻觀照研窮。乾土喻未見佛性。故云去水尚遠。施工不已。喻觀行漸進。濕土喻分見真理。至泥喻法流不遠。故云知水必近。是則濕土如聞般若。泥則若聞此經也。及聞此經更須假觀照之功。方便悟入。乃見佛性真源。所謂與如來法流水接也。由是觀之。若以文字語言爲得者。正謂依

他作解。塞自悟門。若望消渴而得清涼者難矣。故經云。近之而已。前云寶處在近。此云知水必近。又云得近菩提。不言到而云近。宗門所謂語忌十成者耶。

菩薩亦復如是。若未聞未解。未能修習。是法華經當知是人去阿耨多羅三藐三菩提尚遠。若得聞解思惟修習。必知得近阿耨多羅三藐三菩提。所以者何。一切菩薩阿耨多羅三藐三菩提皆屬此經。此經開方便門。示真實相。是法華

經藏深固幽遠無人能到今佛教化成就菩薩而爲開示

此以法合也。此經乃諸佛之慧命。菩薩修行若未聞未解未能修習此經者則去菩提尚遠。以向被無明煩惱所覆如乾土也。若得聞解思修以觀照方便則近菩提。如鑿井見泥然菩薩修行必要依此經者以一切菩提皆屬此經故。以此經開方便門示真實相故。此法華經藏卽衆生如來藏也。若未開示蘊在

識藏以此識藏菩薩地盡不能盡知。唯佛能知故云深固幽遠無人能到非大根亦不能信。故今佛爲菩薩開示不入餘衆生手也。藥王若有菩薩聞是法華經驚疑怖畏當知是爲新發意菩薩若聲聞人聞是經驚疑怖畏當知是爲增上慢者。

此言非機難信也。若菩薩聞而驚怖者乃新發意者。聲聞聞而驚怖者皆增上慢人皆非機也。

藥王若有善男子善女人如來滅後欲爲四衆說是法華經者云何應說是善男子善女人入如來室著如來衣坐如來座爾乃應爲四衆廣說斯經如來室者一切衆生中大慈悲心是如來衣者柔和忍辱心是如來座者一切法空是安住是中然後以不懈怠心爲諸菩薩及四衆廣說是法華經

此示說經之方所謂敎菩薩法也歷言敎說經者供養如佛故敬說者非徒事口舌必須

具佛之體所說與佛心相應體佛之心也故云入如來室著如來衣坐如來座乃可說法安身爲室夫法身非身以衆生爲身故曰慈悲所緣緣苦衆生則佛以慈悲爲室也覆體爲衣佛本無我無我則無物可對無物可對則物莫能傷潛身於忍則無我之至故以忍辱爲衣也逸心爲座心空則寂滅寂滅則聲如谷響說無所說故以法空爲座也如來身心語言爲若此菩薩能具此體安住其中然

後以不懈怠心爲四衆說如是乃可名爲說經者。否則欲其敬事如佛難矣。藥王我於餘國遣化人爲其集聽法衆亦遣化比丘比丘尼優婆塞優婆夷聽其說法是諸化人聞法信受隨順不逆若說法者在空閒處我時廣遣天龍鬼神乾闥婆阿脩羅等聽其說法我雖在異國時時令說法者得見我身若於此經忘失句逗我還爲說令得具足。

此言說者體佛之行則感佛護助弘宣也。前

云若我弟子未受化者若我滅後於餘國作佛更有異名而度脫之今云如來滅後有如是依法說是經者我於他方必遣化人爲聽法衆先信是法今不信者信也若說法者在空閒處我必廣遣八部爲護法使無魔擾也不但遣人卽我親現其身於其人前若有忘失句逗我必爲說令通利無遺失也以如來滅後濁惡世中持經者難非仗如來加被攝受何能令法久住哉

80 1 2 3 4 5 6 7 8 9

100

100

爾時世尊欲重宣此義而說偈言

欲捨諸懈怠應當聽此經是經難得聞信受者亦難如人渴須水穿鑿於高原猶見乾燥土知去水尚遠漸見溼土泥決定知近水藥王汝當知如是諸人等不聞法華經去佛智甚遠若聞是深經決了聲聞法是諸經之王聞已諦思惟當知此人等近於佛智慧若人說此經應入如來室著於如來衣而坐如來座處衆無所畏廣爲分別說大慈悲爲室柔和忍辱衣諸法空爲

座處此爲說法若說此經時有人惡口罵加刀杖瓦石念佛故應忍我千萬億土現淨堅固身於無量億劫爲衆生說法若我滅度後能說此經者我遣化四衆比丘比丘尼及清淨士女供養於法師引導諸衆生集之令聽法若人欲加惡刀杖及瓦石則遣變化人爲之作衛護若說法之人獨在空閒處寂寢無人聲讀誦此經典我爾時爲現清淨光明身若忘失章句爲說令通利若人具是德或爲四衆說空處讀誦經皆

法華通義

卷四

四

得見我身。若人在空閒我遣天龍王夜叉鬼神等爲作聽法衆是人樂說法分別無罣礙諸佛護念故能令大衆喜若親近法師速得菩薩道隨順是師學得見恒沙佛。

此頌初四句總顯法勝信受者不易捨懈怠者心不與世情和合是真精進以心契妙法名精進行故欲捨懈怠當聽此經也如人下六句設喻藥王下十句法合若人下十四句言體佛行我千萬億土下三十六句佛助弘

宣爲現光明身等乃現身而言說加持也諸佛護念正謂敎菩薩法佛所護念也若親近下四句結勸言得見恒沙佛者所謂恒沙性德總在心源隨順心師則性德顯矣

齊此已前九品判爲開佛知見者開有二意在佛則爲衆開示開顯開發要令聞者自信此心在機則爲開悟以衆生久迷不信自心今聞佛說則恍然了悟所謂悟心之士如蓮華開經雖通言四種知見約義則上十品經

通華通義

卷四

通顯如來出世本懷。諸大弟子一向不知佛  
心故多疑佛說。甚至以佛爲魔。今則決信無  
疑方顯開悟此心之象。宗門所謂的信自心  
是佛直到不疑之地。故判屬開字。古德槩以  
前爲說三周法授三根記。法師一品爲授廣  
記以圓該前記。諦觀經義獨重持經之人。極  
言妙法之益者以衆生向不知有。今既知有  
當須奉重不可妄授匪人。所謂非器不傳。通  
顯開佛知見之義耳。

淨土率經見寶塔品第十一

此品來意判爲示佛知見者以顯示如來常  
住法身。直指淨土實報真境。欲令衆生知此  
見此法身境界乃爲佛之知見。一往但以言  
說開曉。今則的以實事指示故此品單約示  
字也。惟此法身真境經初一光東照圓現法  
界事相生佛始終乃通示衆生心境之妙。由  
當機未悟妙心。乃以識情思量。所謂情生智  
隔不達。目前便是將謂非已智分。今蒙如來

種種開示。當機已信佛言。自知作佛。各得授記。是乃雖信自心。然猶未信實相真境。此則生滅之見。未忘淨穢之執。未謝。故世尊至此。將顯法身常住。故七寶妙塔從地涌出。多寶如來全身現在。以消生滅之見。卽此娑婆三變淨土。以祐淨穢之執。且十方諸佛充滿其中。以彰法界塵塵刹刹觸目皆是實相真境。此乃佛之真知見也。故此品爲示佛知見。當授記已畢。故此品來也。然塔高五百由旬。塔

中多寶全身不散者。以示衆生。卽此五蘊生滅身心。便是常住法身安宅也。就此婆婆三變。皆成淨土者。以示華藏莊嚴實報真境。不離五濁業用也。此特示毘盧遮那依正實報莊嚴之一斑。欲令衆生知此心境之妙。即可目前現證。不生佛道長遠之怖也。引權入實意見於此。何以明之。此經所明開方便門。示真實相。何謂真實相。以我毘盧遮那曠劫修因。所證法身真佛。所居寂光真土。從法垂報。

千丈盧舍那佛所居實報莊嚴淨土。而此土皆真故爲真實之相。而釋迦乃從報垂應之化身其所居之土皆與民同患乃娑婆五濁之穢土。而此身土皆假故凡施設一往說法皆以爲權所謂方便門者是也。由盧舍那初成正覺現千丈身坐菩提場說華嚴經。而二乘在座如盲如聾。是雖身土皆真而教法俱實柰何獨被大機小根絕分故入刹那際三昧雙垂兩相。二始同時正說華嚴不妨示

應化身八相成道於鹿野苑將一乘法分別說三以接小機所謂以方便力爲說四諦十二因緣六度等同攝三根雖有教苦薩法總屬權教正如長者誘引諸子許以三車非實有也。故未盡如來出世本懷以諸弟子未見法身真境故經云我本立誓願欲令一切衆如我等無異意欲直令衆生親證如來法身境界以趣華藏莊嚴之實果方稱本懷奈何下劣之徒一向執權當實更不前進且於佛

80 1 2 3 4 5 6 7 8 9

100

100

所說疑而不信。故費世尊四十季來種種方便淘汰之功。今已純熟。且化緣將畢。故於此會直吐本懷。開除昔日三乘之權。以顯一乘之實。經中長者家業之富。正喻華嚴一乘圓妙之法也。以諸聲聞但認釋迦應身之佛。以爲真不知尚有真佛也。但見娑婆穢土之可厭。不達實相真境也。故生滅之見。淨穢之情。一向執格而不捨。以不達惟心所現。故將說此經。先放白毫一光。普照東方萬八千世界。

洞示法界之真境。卽在衆生日用之間。此非心識思量分別可到。故重假方便種種開示大衆。各信自心。遂一一授記成佛。正若華嚴所言。初發心時。知一切法。卽心自性。成就慧身。不由他悟。此但了心真不達境實。心境未融。未是成佛真因。猶屬衆生知見。未是佛之知見也。故前授記已顯心真。今說此品。以顯境妙。直指目前現證。故特判爲示佛知見。故云。以事指陳。以洗小乘從前宿習知見。易於

法華經疏

卷四

四

修證方盡如來出世之本懷也。此品來意幽遠非細心參詳殊難領會。但融觀華嚴自知此中歸趣。

爾時佛前有七寶塔高五百由旬縱廣二百五十由旬從地涌出住在空中種種寶物而莊校之五千欄楯龕室千萬無數幢旛以爲嚴飾垂寶瓔珞寶鈴萬億而懸其上四面皆出多摩羅跋栴檀之香充徧世界其諸旛蓋以金銀琉璃碑碣碼碯珍珠玫瑰七寶合成高至四天王宮

三十三天雨天曼陀羅華供養寶塔餘諸天龍夜叉乾闥婆阿脩羅迦樓羅緊那羅摩睺羅伽人非人等千萬億衆以一切華香瓔珞旛蓋伎樂供養寶塔恭敬尊重讚歎

此正指示佛知見也。佛知見者乃自覺聖智所知所見乃一真法界真境也。惟此法界乃法身之安宅報化依之而起也。故諸佛證之爲一切種智報身踞之爲華藏莊嚴化身以之爲神通妙用衆生迷之爲五蘊身心八萬

四千煩塵惱勞修心之士若不洞見一真法界總屬門外止宿草菴不爲實證故此三周開說以圓佛前寶塔出現爲示佛知見之象也然法身無依以法界爲依法界者寂滅之心也寶塔者寂滅之境也五百由旬者喻衆生五蘊身心卽是寂滅真境也縱廣二百五十由旬者喻述此法界卽此身心不出二五五有也從地涌出者喻無明心地若破寂滅之境現前所謂生滅旣滅寂滅現前則此五

蘊身心本無所有故云住在空中種種寶物而莊校者喻此法界本非斷滅具有恒沙稱性功德神通妙用也高出四天則非四大可拘也諸天散華八部作供者喻此法界本爲諸天之所奉重八部之所守護元非寂寞無人之地也

爾時寶塔中出大音聲歎言善哉善哉釋迦牟尼世尊能以平等大慧教菩薩法佛所護念妙法華經爲大衆說如是如是釋迦牟尼世尊如

法華經疏 卷四  
所說者皆是真實

此言塔中出聲以示寂而能說非斷滅也。歎言善哉善哉等以讚釋迦能稱法界體以平等大慧說此妙法華經也。如是如是者印證所說皆究竟如法界也。所說皆是真實證其所說不妄也。前世尊歷對弟子自謂言不虛妄今塔音現證釋迦說寂滅法意要三乘必信以此印定群機也。

爾時四衆見大寶塔住在空中又聞塔中所出

音聲皆得法喜怪未曾有從座而起恭敬合掌却住一面

此四衆見塔喜怪也。喜者七寶妙塔忽然涌出住在空中甚爲希有固可喜也。而塔中出聲甚可怪也。若悟塔中所出音聲則一切音聲皆寂滅矣。大衆不知所以然而然故合掌住立冀佛開示也。

爾時有菩薩摩訶薩名大樂說知一切世間天人阿脩羅等心之所疑而白佛言世尊以何因

法華通義 卷四

緣有此寶塔從地涌出又於其中發是音聲  
此當機見塔爲如 疑請也大樂說菩薩請者  
以寂滅之法乃離言之道苟非樂說則終絕  
言矣淨名云雖復不依言語道亦復不著無  
言說樂說之義也塔非無故而現故請說其

### 因緣

爾時佛告大樂說菩薩此寶塔中有如來全身  
乃往過去東方無量千萬億阿僧祇世界國名  
寶淨彼中有佛號曰多寶其佛行菩薩道時作

大誓願若我成佛滅度之後於十方國土有說  
法華經處我之塔廟爲聽是經故涌現其前爲  
作證明讚言善哉彼佛成道已臨滅度時於天  
人大衆中告諸比丘我滅度後欲供養我全身  
者應起一大塔其佛以神通願力十方世界在  
在處處若有說法華經者彼之寶塔皆涌出其  
前全身在於塔中讚言善哉善哉大樂說今多  
寶如來塔聞說法華經故從地涌出讚言善哉  
善哉

此說塔現之因也塔中有如來全身者然塔喻衆生五蘊身中有如來全身所謂幻化空身卽法身也楞伽云如來藏目性清淨轉三十二相入於一切衆生身中如大價寶垢衣所纏今國名寶淨乃如來藏出纏離垢之象也佛號多寶法身乃如來藏以具有恒沙稱性功德故名多寶其佛行菩薩道時誓願滅後凡十方說法華經處塔現作證者以多寶本以妙法得證法身故凡說經處法身卽現

在法會中聞說妙法苟能開佛知見則此五蘊身心頓見法身全體此作證之象也彼佛成道已臨滅囑供全身以大塔者正顯離相滅相究竟涅槃常寂滅相之法也其佛以神通下至塔中讚言善哉善哉等者所謂寂而能演徧十方以此經卽法身全體若佛知見一開卽出現作證也上叙多寶之因緣大樂說結示今緣也

是時大樂說菩薩以如來神力故自佛言世尊

我等願欲見此佛身

此法會願見塔中多寶佛身也。法身顯現雖是以已智力須仗佛威神故假佛神力以請佛告大樂說菩薩摩訶薩是多寶佛有深重願若我寶塔爲聽法華經故出於諸佛前時其有欲以我身示四衆者彼佛分身諸佛在於十方世界說法盡還集一處然後我身乃出現耳大樂說我分身諸佛在於十方世界說法者今應當集大樂說白佛言世尊我等亦願欲見世尊

分身諸佛禮拜供養

此世尊許見且述多寶本願將集分身以顯三身一體正破二乘向認化身之執也。大樂說下世尊當集分身大衆將因多寶亦願得見分身諸佛

爾時佛放白毫一光卽見東方五百萬億那由他恒河沙等國土諸佛彼諸國土皆以玻瓈爲地寶樹寶衣以爲莊嚴無數千萬億菩薩充滿其中徧張寶幔寶網羅上彼國諸佛以大妙音

而說諸法及見無量千萬億菩薩徧滿諸國爲衆說法。南西北方四維上下白毫相光所照之處亦復如是。

此光召分身諸佛也。初將說此經佛入無量義處三昧。放白毫一光照東方萬八千世界。圓現法界事相。生佛始終。蓋舉法界一隅以彰妙法全體意顯諸佛出世始終不出刹那際三昧。其所說法皆光中之事。文殊引燈明之本始是顯示佛之知見欲令大衆開悟也。

大衆不悟故如來出定方便演說所謂開方便門。至引大通智勝成佛之事。初入三昧。十方世界而皆大明。是開示佛之知見也。而下根衆生雖悟往昔之因緣而未親證實相之真境。故三周說法尚帶言說。今既廣記現在未來。凡有聞法者無一不成佛。抑恐小乘執相之徒名言習氣未忘。情存生滅淨穢之見。難造一真之境。故假寶塔涌出多寶現身光。召十方諸佛。三變淨土。乃卽五蘊以見法身。

就目前以證實相正是指示佛之知見也。故放白毫一光卽見東方五百萬億恒沙國土諸佛等者。示五道衆生皆住諸佛一真之地也。見諸佛菩薩爲衆說法者。示衆生動亂妄想卽諸佛菩薩恒演法音也。兌中不現衆生生死三乘求道等事者。以今直證法身以名教菩薩法。故不言其餘種種也。今說上方諸佛皆釋迦之分者。然佛有三身乃從法垂報從報垂化。今示三身一體意顯釋迦卽多寶。

分身卽釋迦法化冥一之象也。所謂佛身充滿於法界。普現一切群生前隨緣赴感靡不周。而恒處此菩提座。今分身齊集共證妙法以顯十方諸佛道同。古今一際。釋迦所說真實不虛意顯無邊刹境。自他不隔於毫端。十世古今始終不離於當念也。至若三變淨土意顯穢即是淨娑婆卽華藏。目前全是實相真境。故兌中諸國皆七寶莊嚴也。初一兌顯示次三周開示。今此會指示乃盡佛之知見。

80 1 2 3 4 5 6 7 8 9

100

100

耳。此正極諸佛之神力發揚此事。所謂長者  
并會國王親族將付家業。一大事因緣圓會  
於此非特爾也。

爾時十方諸佛各告衆菩薩言善男子我今應  
往娑婆世界釋迦牟尼佛所并供養多寶如來  
寶塔。

此十方諸佛因兌召爾將集也。

河山川林藪燒大寶香曼陀羅華徧布其地以  
寶網幔羅覆其上懸諸寶鈴唯留此會衆移諸  
天人置於他土。

此變土以容分身諸佛所謂示真實相也。一  
真法界本無淨穢但隨心轉變以娑婆穢土  
原是華藏只以染惡衆生所集故穢惡充滿。  
土石諸山高下不平。一乘不達唯心妄生欣  
厭取捨以見心外有法故一向執取涅槃。不  
起一念度生之心故怖之如牢獄畏之如桎

桔是未見穢土本淨衆生本空耳。今如來此會特爲指示佛之知見只欲了達一真平等法界明悟心境皆真徹見諸法實相。是則三周開示乃開方便門。今多寶出現三變淨土所謂示真實相也。然娑婆本淨但衆生無明覆心智光未發故妄見其穢。今佛放白毫光徧照十方顯示唯心境界開佛知見則刹塵心念皆佛出興卽此穢邦變成淨土。故經云容受分身諸佛故三變淨土也。淨穢唯心不

假餘力但因光明而云卽變顯此娑婆即是  
華藏故琉璃爲地寶樹莊嚴等一真平等故  
無諸聚落山川等總入神通大光明藏故燒  
大寶香是爲衆生成佛因地故華布其地萬  
行彌滿皆是法音故寶網羅覆懸諸寶鈴衆  
生本空故移諸天人置於他土苟開佛知見  
則當下情忘頓見實相真境矣昔華嚴會上  
二乘如盲今則分明顯現目前是所謂示佛

是時諸佛各將一大菩薩以爲侍者至娑婆世界各到寶樹下一寶樹高五百由旬枝葉華果次第莊嚴諸寶樹下皆有師子之座高五由旬亦以大寶而校飾之爾時諸佛各於此座結跏趺坐如是展轉徧滿三千大千世界而於釋迦牟尼佛一方所分之身猶故未盡

此東方分身諸佛來集也諸佛各將一大菩薩以爲侍者意顯果因一契也寶樹高五百由旬寶座高五由旬意明開佛知見則念念

佛現不離五蘊身心也諸佛各於此座結跏趺坐者所謂不離當處也徧滿三千大千世界一方所分之身猶故未盡者意顯重重無盡也

時釋迦牟尼佛欲容受所分身諸佛故八方各更變二百萬億那由他國皆令清淨無有地獄餓鬼畜生及阿脩羅又移諸天人置於他土所化之國亦以琉璃爲地寶樹莊嚴樹高五百由旬枝葉華果次第嚴飾樹下皆有寶師子座高

五由旬種種諸寶以爲莊校亦無大海江河及  
目真鄰陀山摩訶目真鄰陀山鐵圍山大鐵圍  
山須彌山等諸山王通爲一佛國土寶地平正  
寶交露幔徧覆其上懸諸旛蓋燒大寶香諸天  
寶華徧布其地釋迦牟尼佛爲諸佛當來坐故  
復於八方各更變二百萬億那由他國皆令清  
淨無有地獄餓鬼畜生及阿脩羅又移諸天人  
置於他土所化之國亦以琉璃爲地寶樹莊嚴  
樹高五百由旬枝葉華果次第莊嚴樹下皆有

寶師子座高五由旬亦以大寶而校飾之亦無  
大海江河及目真鄰陀山摩訶目真鄰陀山鐵  
圍山大鐵圍山須彌山等諸山王通爲一佛國  
土寶地平正寶交露幔徧覆其上懸諸旛蓋燒  
大寶香諸天寶華徧布其地

此二變三變淨土將廓法界真境也。前初變  
淨土業已通變娑婆而爲一淨土矣。但容東  
方所分身佛已充滿其中似無容針之地矣。  
尚不能盡是一方之佛有餘而全土之境不

足則分身之多可知。今於婆婆之外八方各更變二百萬億那由他國皆令清淨是則境又不止一婆婆也。問曰。華藏界中獨一婆婆而爲穢土以有三惡道穢惡充滿其餘佛土悉皆清淨。今婆婆之外所更變者皆有三途人天。且隱惡道而移天人又似婆婆同土也。且前已通變而東方諸佛已充滿矣。今更三變者果何土耶。答曰。此意甚深是顯法界無邊以明衆生妄緣無盡也。然婆婆一土釋迦

化境常言三千大千世界而已。諦觀滿慈得記以恒河沙等三千大千世界爲一佛土。是知娑婆非止一二三千大千而已。以衆生迷本法界真心全體變爲無明妄想。是迷則徧迷乃全變法界而爲衆生界也。斯則衆生充滿法界豈一娑婆可能容受哉。所謂恒河沙等三千大千通爲一土是也。然各隨所見局爲一土耳。故華藏通多淨土者以隨諸佛菩薩淨心所見以卽迷爲悟故卽穢而淨。以隨衆

生妄心所見故卽淨而穢今令衆生開佛知  
見是卽返悟故卽無量劫來生死妄想今  
一念全體轉爲諸佛智用故釋迦十方分身  
來集之象也以妄想無盡故佛亦無邊然境  
隨心變今真心旣轉而真境隨轉所以娑婆  
之外八方各更變二百萬億那由他國土將  
廓法界之量今且猶是分轉非全轉也若全  
轉者豈有方向名數哉今以無盡妄想轉爲  
佛智則宜乎佛多而境迫豈一婆婆可能容

受哉然三變文云爲諸佛當來坐故復於八  
方各更變二百萬億等是知衆生今已開佛  
知見則妄想永絕自今念念諸佛現前是爲  
諸佛當來坐也問曰所云全迷法界今旣開  
悟卽當一時全轉何假三變淨土次第而然  
耶答曰此正顯如來有大方便引攝衆生之  
意以衆生垢重不能頓見法界全體故向設  
三乘之權引令漸進然執權之徒知見狹劣  
如來不敢遽以全體示之所謂若說是事皆

當驚疑。恐其驚怖而不信故說無量種種方便而引導之。然今雖信佛心而猶未見實相真境。故假三變淨土以示之。然初變婆婆者以二乘一向但見三界生死可怖故生厭離而求涅槃。不敢復入此正衆生知見也。今示婆婆即是淨土以破二乘欣厭取捨之心也。次於八方各更變者是引二乘趣向法界欲令捨權從實前至寶所不生退怯之心也。次爲諸佛當來坐故於八方各更變二百萬億

等者乃引權教菩薩令人究竟佛慧也。將窮法界實際乃今姑爲三乘劣解略示少分而已。豈能盡舉全體大用哉。是知已變之外淨土不可思議。正是諸佛功德無量無邊諸佛智慧甚深無量者此耳。前云其智慧門難解難入。若非如來善巧開示廣大神力以多寶之事而略示之則智慧門終竟難解難入也。卽今變土集佛之事二乘何從而知解耶。此所謂不佛知見也明矣。然所變之土皆云寶

華徧布其地乃明示此佛知見爲成佛真因也

爾時東方釋迦牟尼所分之身百千萬億那由他恒河沙等國土中諸佛各各說法來集於此如是次第十方諸佛皆悉來集坐於八方爾時一一方四百萬億那由他國土諸佛如來徧滿其中是時諸佛各在寶樹下坐師子座皆遣侍者問訊釋迦牟尼佛各齋寶華滿掬而告之言善男子汝往詣耆闍崛山釋迦牟尼佛所如我

辭曰少病少惱氣力安樂及菩薩聲聞衆悉安隱不以此寶華散佛供養而作是言彼某甲佛與欲開此寶塔諸佛遣使亦復如是

此言東方分身諸佛旣集則十方次第而集也娑婆之外二三各變二百萬億佛土故八方各四百萬億今已徧滿意顯佛身充滿塵塵刹刹無盡無盡也諸佛各在寶樹下坐師子座者所謂而恒處此菩薩座也各遣侍者問訊釋迦佛佛未親見者所謂法身無有彼

此迭相見故各齋寶華滿掬供佛者顯此妙法爲成佛真因故問訊之辭以見釋迦示現與民同病之意也

爾時釋迦牟尼佛見所分身佛悉已來集各各坐於師子之座皆聞諸佛與欲同開寶塔卽從座起住虛空中一切四衆起立合掌一心觀佛於是釋迦牟尼佛以右指開七寶塔戶出大音聲如却關鑰開大城門卽時一切衆會皆見多寶如來於寶塔中坐師子座全身不散如入禪

定又聞其言善哉善哉釋迦牟尼佛快說是法華經我爲聽是經故而來至此爾時四衆等見過去無量千萬億劫滅度佛說如是言歎未曾有以天寶華聚散多寶佛及釋迦牟尼佛上

此釋迦開多寶塔以示法身出現也佛身如空無所依以塔在虛空而釋尊欲開寶塔亦住虛空者示法身體同之象也以右指開七寶塔戶示自性開發不勞餘力也如却關鑰開大城門者歷劫堅固無明妄想忽然迸裂

法身頓現。宗門所謂圓地一聲也。衆會皆見多寶。如來全身不散。如入禪定者。示衆生自性開發。則現前五蘊身心頓見。法身全體顯現。心境當處寂滅之象也。爲聽是經而來至此者。以所說妙法深契法身真際也。衆喜散華者。各示真因之象也。

爾時多寶佛於寶塔中分半座與釋迦牟尼佛。而作是言。釋迦牟尼佛可就此座。即時釋迦牟尼佛入其塔中坐。其半座結跏趺坐。爾時大衆

見二如來在七寶塔中。師子座上結跏趺坐。各作是念佛坐高遠。惟願如來以神通力令我等輩俱處虛空。即時釋迦牟尼佛以神通力接諸大衆。皆在虛空。

此多寶分座釋迦入塔共坐者。示五蘊緣生之佛與法身同體真應不二之象也。大衆見二如來作念佛座高遠。俱願處空者。正顯二乘向以佛道長遠爲怖。今佛知見既開。則真見遠而不遠。俱願親近佛地可期之象也。佛

以神力接衆在空者顯二乘人非佛神力方便接引無由得近佛慧也。四十年來接引之功乃取効於今日耳。豈小緣哉。

以大音聲普告四衆誰能於此娑婆國土廣誦妙法華經今正是時如來不久當入涅槃佛欲以此妙法華經付囑有在

此言護念付囑之事也。妙法華經如來護念之法也能持此經則爲護念之人矣苟有持者則此法付囑有在如來出世本懷爲一大

事唯此而已故法若有所付則大事畢矣所謂唯此一事更無餘事故云不久當入涅槃正如長者將終若得其子委付家業志願畢矣由是觀之佛祖接人直可得到法身邊若法身向上事則當於佛未出世祖未西來時薦取不待今也

爾時世尊欲重宣此義而說偈言  
聖主世尊雖久滅度在寶塔中尚爲法來諸人云何不勤爲法此佛滅度無央數劫處處聽法

以難遇故彼佛本願我滅度後在在所往常爲聽法又我分身無量諸佛如恒沙等來欲聽法及見滅度多寶如來各捨妙土及弟子衆天人龍神諸供養事令法久住故來至此爲坐諸佛以神通力移無量衆令國清淨諸佛各各詣寶樹下如清淨池蓮華莊嚴其寶樹下諸師子座佛坐其上光明嚴飾如夜闇中然大炬火身出妙香徧十方國衆生蒙熏喜不自勝譬如大風吹小樹枝以是方便令法久住告諸大衆我滅

度後誰能護持讀說斯經令於佛前自說誓言其多寶佛雖久滅度以大誓願而師子吼多寶如來及與我身所集化佛當知此意諸佛子等誰能護法當發大願令得久住其有能護此經法者則爲供養我及多寶此多寶佛處於寶塔常遊十方爲是經故亦復供養諸來化佛莊嚴充飾諸世界者若說此經則爲見我多寶如來及諸化佛諸善男子各諦思惟此爲難事宜發大願諸餘經典數如恒沙雖說此等未足爲難

法華通義

卷四

若接須彌擲置他方無數佛土亦未爲難若以足指動大千界遠擲他國亦未爲難若立有頂爲衆演說無量餘經亦未爲難若佛滅後於惡世中能說此經是則爲難假使有人手把虛空而以遊行亦未爲難於我滅後若自書持若使人書是則爲難若以大地置足甲上升於梵天亦未爲難佛滅度後於惡世中毚讀此經是則爲難假使刲燒擔負乾草入中不燒亦未爲難我滅度後若持此經爲一人說是則爲難若持我滅度後若持此經第一若有能持則持佛身諸善男子於我滅後誰能受持讀誦此經今於佛前自說誓言

八萬四千法藏十二部經爲人演說令諸聽者得六神通雖能如是亦未爲難於我滅後聽受此經問其義趣是則爲難若人說法令千萬億無量無數恒沙衆生得阿羅漢具六神通雖有是益亦未爲難於我滅後若能奉持如斯經典是則爲難我爲佛道於無量土從始至今廣說諸經而於其中此經第一若有能持則持佛身諸善男子於我滅後誰能受持讀誦此經今於佛前自說誓言

此聖王下十句頌。因多寶勉衆意在得人。付囑也。彼佛下四句頌多寶本願。又我下十二句頌化佛來集爲證妙法。欲令久住故爲坐下四句。頌三變淨土。諸佛各各下十八句。頌諸佛畢集。歎美容儀淨妙。如清池蓮華。光明照曜。如夜炬火。妙香普熏衆生。觸者心喜。神悅。如大風吹小樹枝。言披靡傾倒。喜不自持也。諸佛來儀如此爲令妙法久住故。告諸大衆下十四句。求持法之人能護持者。當自發

願多寶與我及諸化佛當作證也。諸佛子等下二十句。再求能持說者。則爲見我及供多寶。并諸化佛也。所以再三求持經者。旣已開示佛之知見。責在能持使佛種不斷。若視爲尋常。則有負如來今日之大事因緣也。持經必敎發願者。以惡世難持。欲令信力堅固。不得遇緣。生退怯耳。故下文歷言其難。諸善男子。下八句。令諦思此經難持。不若諸經之易易。慎勿輕忽。故令發願而後持也。若接須彌。

下十六句言說經之難。若手接須彌指動大千。固已爲難。而神通者能之。有頂諸天。智慧難越。而慧辯過勝者亦能超之。唯有此經於惡世中。最爲難說。以人多弊惡。多怨難信故也。假使有人。下言書難。虛空難把。楞嚴呵難。旣悟則觀。十方虛空。如手持葉物。是則虛空猶可把也。若此經者。寂滅離言之道。豈得而書之耶。是以書之爲難也。若以大地。下八句。讀難。大地至重。梵天至高。足甲至微。竚大地。

於足甲而昇。梵天神通廣大者不難。不若惡世。讀此經爲難也。假使下八句。持難。負乾草入刦火而不燒。亦未爲難。惡世衆生暴惡煩惱。火中能持此經。是爲難也。若持八萬下聽難。八萬四千法藏。以文言敷演。何足爲難。獨此經之實相無量義趣。而能聽聞。是爲難也。若人說法。下十二句。奉難。若有人善說法令。諸聞者得羅漢六通。此亦未難。能持此經。卽得菩提。故爲難耳。我爲佛道。下八句。顯所以。

難言我自成佛以來從始至今於無量土所說諸經益無量矣。皆隨機之談獨有此經

示一乘佛性凡有持者疾得菩提故爲第一。

若能持此經則全持佛身慧命不斷然非大

根堅固忍力實難持也。諸善男子下六句令

持者發誓只欲堅其願力也。上通頌難持

此經難持若贊持者我則歡喜諸佛亦然如是

之人諸佛所歎是則勇猛是則精進是名持戒

行頭陀者則爲疾得無上佛道能於來世讀持  
天人皆應供養

此頌難持能持故我及諸佛歡喜讚歎也。然持此經非紙墨文字之謂也。要云言得旨頓

契佛心是爲勇猛精進則是總持萬行頓斷煩惱故爲持戒頭陀不歷多劫頓登佛地所

以能持卽有如是大益也能於來世下八句承上大益故惡世能持是真佛子能解其義

則爲世間眼目。以開佛知見也。於恐畏下四句結能說者當如供佛也。問曰。多寶證法化佛畢集世尊更無他說獨以持經苦口叮嚀再三四者何也。答曰。以佛知見衆生之迷固已久矣。遠自大通塵點劫來。一向迷之而不悟。已費吾佛生生世世隨之教化業經無量不可思議劫數矣。直至今日猶勞四十季之方便開示現前信解者幾何人哉。是謂佛法之難遇也如此。今旣開示若不堅力持之則

恐此後一失又不知更經塵點之劫未審可如今日之聽聞也。若此法失持則佛種斷絕豈細事哉。正如大富長者創業艱難勤苦累世而致富有家業苟無克家之子而持守之若一旦散失難求再昔也。此其世尊苦口叮嚀再三勸持者蓋此意也。已前十品通爲開示佛之知見總名信解故向後諸品多言持經之功以顯悟佛知見既悟守之爲難也妙法蓮華經提婆達多品第十二

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

此品來意連下十品通爲悟佛知見也。以前三周開示爲開佛知見諸二乘人。但信此心而已。雖信心真未達境妙。故現寶塔一品直示境妙。名爲不佛知見。此下名爲悟佛知見者。以諸聲聞雖信自心作佛。猶有歷劫無明未盡。從來狹劣知見習氣未忘。雖云信解。猶屬知解。故須多方妙行調治。乃得法身淳淨。抑恐此輩涉俗利生。不善方便。故預示種種守護之方。由從妙行。乃得悟入。使其不墮凡

情不生驚怖。此正如來廣大慈悲。所謂蘊蓄醫方之意也。向下通顯行證臨文各有所屬。此判悟之之初而以提婆達多名品者。以顯悟有難易以行爲本也。以諸聲聞久懷佛道長遠之怖。故不起一念好樂之心。今雖蒙授記。且又經歷多劫。乃得證果。抑恐引起宿習。不肯勤求。故世尊自引本事。雖爲國王。乃不惜身命而求妙法。由此苦行。遂至今日得證菩提。此悟之難。乃漸悟也。又恐下劣之輩。畏

1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

難而不進故又說文殊所化七歲龍女成佛

之事以見其易。且海爲生死沉溺之地。龍乃

三毒之首。女爲陰邪垢濁之器。此最難化者。

而獻珠之頃當下成佛。何其易易耶。此頓悟

也。良以親近大智爲依歸故。意令當機於佛  
滅後當親最勝知識可保妙悟之極永不墮  
二乘之地。故悟之首以立漸頓故此品來也。  
爾時佛告諸菩薩及天人四衆。吾於過去無量  
劫中求法。華經無有懈倦於多劫中常作國王。

發願求於無上菩提心不退轉爲欲滿足六波  
羅蜜勤行布施心無憚惜象馬七珍國城妻子  
奴婢僕從頭目髓腦身肉手足不惜軀命時世  
人民壽命無量爲於法故捐捨國位委政太子  
擊鼓宣令四方求法誰能爲我說大乘者吾當  
終身供給走使時有仙人來白王言我有大乘  
名妙法華經若不違我當爲宣說王聞仙言歡  
喜踊躍卽隨仙人供給所須采果汲水拾薪設  
食乃至以身而爲床座身心無倦於時奉事經

於千歲爲於法故精勤給侍令無所之

此佛自敘往昔勤求妙法之難以警二乘懈

怠之心也言無量劫中求法華經無有懈倦

者則求法之心非一刻矣況多劫中常作國

王而勤求之又非尋常之人矣且爲求法故

象馬等外施也頭目等內施也捐捨國位則

一切施也然有說妙法者願終身走使伏勞

恐苦忘我之至也時有仙人應求而爲說則

精誠所感也王聞卽歡喜隨侍執勞而不厭

乃至以身爲床座而不倦且經千歲長時而不辭給時周足此求法之心何其勤苦長遠耶且現前二乘之人得授記者各人自揣求法之心會有如是之精誠乎是則我今爲說法王大寶諸人不求而自至豈可尋常易視哉是則將來歷事多佛固應體我如是之心方名持法之人也古云旣悟守之爲難苟無克苦堅強何以得成聖果故首告悟心以此爾時世尊欲重宣此義而說偈言

我念過去劫爲求大法故雖作世國王不貪五欲樂椎鐘告四方誰有大法者若爲我解說身當爲奴僕時有阿私仙來自於大王我有微妙法世間所希有若能修行者吾當爲汝說時王聞仙言心生大喜悅卽便隨仙人供給於所須采薪及果蓏隨時恭敬與情存妙法故身心無厭倦普爲諸衆生勤求於大法亦不爲己身及以五欲樂故爲大國王勤求獲此法遂致得成佛今故爲汝說

我念過去下二十二句通頌世尊往昔求法之精勤也阿私陀此云無比乃佛過去之本師若法有比則不能令求者忘身至此也。普爲諸衆生下八句頌昔求法之難而今爲衆說之易也欲令大衆知所重故佛告諸比丘爾時王者則我身是時仙人者今提婆達多是由提婆達多善知識故令我具足六波羅蜜慈悲喜捨三十二相八十種好紫磨金色十力四無所畏四攝法十八不共神通道

力成等正覺廣度衆生皆因提婆達多善知識  
 故此佛述昔師仙人爲今提婆達多正示刻苦  
 爲成佛之因也。提婆達多此云天熱生時人  
 天心皆熱故以爲名。又母禱天而生故亦云  
 天授解飯王之子。佛之從弟然事逆行世世  
 專意害佛今則更甚常以毒藏十指甲禮佛  
 接足不傷而指自壞又與阿闍世王謀欲  
 殺佛而自爲新佛王縱五百醉象踏佛佛以

手指指現師子象皆憚伏又推大石壓佛地  
 神遮之后碎迸其小者中佛足流血因是陷  
 入地獄佛遣使問其安否報曰我處此如四  
 禪天樂又問幾時出地獄答曰待世尊來入  
 地獄我方出之其五逆類如此害之非一世  
 也今云提婆卽昔說妙法之仙人而言由提  
 婆達多善知識故令我具足六波羅蜜慈悲  
 喜捨等所以得成正覺廣度衆生者皆因提  
 婆達多善知識故是則如來今日佛果皆因

提婆而成其恩重不可言矣其實皆以怨害

世尊歸重如此者定知佛果難成所謂或示  
怨家以怨害折磨堅其精進不退之忍力非  
此何以得至今日哉所謂彼一闡提非一闡

提世間解脫誰轉世尊述此蓋因前品極言  
持法之難以惡世多怨故欲二乘得記之人  
將來持經處於惡世當觀如來因提婆之怨  
害得成菩提然後乃能無退怯心卽取佛果  
無難故當悟守之初必若佛事提婆爲嘉範

然後方能令法久住也

告諸四衆提婆達多却後過無量劫當得成佛  
號曰天王如來應供正徧知明行足善逝世間  
解無上士調御丈夫天人師佛世尊世界名天  
道時天王佛住世二十中劫廣爲衆生說於妙  
法恒河沙衆生得阿羅漢果無量衆生發緣覺  
心恒河沙衆生發無上道心得無生忍至不退  
轉時天王佛般涅槃後正法住世二十中劫全  
身舍利起七寶塔高六十由旬縱廣四十由旬

諸天人民悉以雜華末香燒香塗香衣服瓔珞  
幢旛寶蓋枝樂歌舞頌禮拜供養七寶妙塔無量  
衆生得阿羅漢果無量衆生悟辟支佛不可思  
議衆生發菩提心至不退轉

此與提婆達多授記而不列於諸弟子中者  
以是世尊本師故。且以磨礪砥行堅固如來  
之忍力。以成菩提。故居悟守之首而爲惡世  
持經之範也。佛號天王者謂由怨害令佛強  
忍以至自然而得大自在故感果如之。國名

天道者謂佛成道未有不由忍苦而成自  
然之理也。常說妙法蓋因中始以妙法教釋  
尊故果上常說。而衆生聞妙法俱得三乘之  
果者正示法一而機異也。時天王佛滅後供  
塔之人皆得三乘之果者亦由因行所感也  
佛告諸比丘未來世中若有善男子善女人聞  
妙法華經提婆達多品淨心信敬不生疑惑者  
不墮地獄餓鬼畜生生十方佛前所生之處常  
聞此經若生人天中受勝妙樂若在佛前蓮華

1 2 3 4 5 6 7 8 9

卷四

## 法華通義

卷四

## 化生

此言未來有聞此品信敬而不疑者則永不墮三途乃至若在佛前蓮華化生者以見世尊求法之難多怨成就之力而於妙法精持堅忍不退之益故獲如此之勝報也

於時下方多寶世尊所從菩薩名曰智積白多寶佛當還本土釋迦牟尼佛告智積曰善男子且待須臾此有菩薩名文殊師利可與相見論說妙法可還本土

此下方智積請多寶佛當還本土者以證法事畢不宜久任意表證悟未忘猶存法執必返一絕跡兩忘能所方爲妙悟宗門所謂悟之一字亦須吐却乃返本還源之象也釋迦留之以待文殊者表以所悟妙法融爲觀照消磨法執方盡持法之妙也故待文殊可與相見論說妙法

爾時文殊師利坐千葉蓮華大如車輪俱來菩薩亦坐寶蓮華從於大海娑竭羅龍宮自然涌

出住虛空中詣靈鷲山從蓮華下至於佛所頭面敬禮二世尊足修敬已畢往智積所共相慰問却坐一面

此言文殊坐寶蓮華從海涌出者表悟心者如蓮華開妙智現前藏識海中挺然獨露也至於佛所禮二尊足者始覺之智合乎本覺之象也往智積所共相慰問者二智冥會之象也非此不足以言妙悟

智積菩薩問文殊師利仁往龍宮所化衆生其

數幾何文殊師利言其數無量不可稱計非口所宣非心所測且待須臾自當證知所言未竟無數菩薩坐寶蓮華從海涌出詣靈鷲山住在虛空此諸菩薩皆是文殊師利之所化度且菩薩行皆共論說六波羅蜜本聲聞人在虛空中說聲聞行今皆修行大乘空義文殊師利謂智積曰於海教化其事如是

此問文殊所化之衆言其數無量不可稱計者謂生死大海三毒窟宅非大智不能深入

非妙法不能轉煩惱而爲妙行也。以智起惑。  
忘則無數煩惱當體清淨。故無數菩薩坐寶  
蓮華。詣靈鷲山。住在空中也。煩惱一轉則一  
切行皆是佛行。故皆修行大乘空義也。故文  
殊曰我於海教化其事如是。聞人說空中  
爾時智積菩薩以偈讚曰。大智德勇健化度無量衆。今此諸大會及我皆  
已見演暢實相義。開闡一乘法廣導諸衆生令  
速成菩提。

此智積偈讚文殊。初四句謂非大智勇健。不  
能化此多衆。次四句謂非妙法。不能轉變如  
此之速。

文殊師利言我於海中唯常宣說妙法華經。  
此文殊重答前偈謂唯常宣說妙法華經更  
無別法意顯妙法成就之速。故下問可有速  
得成佛之人。

智積問文殊師利言此經甚深微妙諸經中寶  
世所希有頗有衆生勤加精進修行此經速得

1 2 3 4 5 6 7 8 9

100

1 2 3 4 5 6 7 8 9

佛不

智積重問文殊言妙法甚深可有衆生依之修行速得佛否此問要顯妙法之功甚速故爾

文殊師利言有娑竭羅龍王女季始入歲智慧利根善知衆生諸根行業得陀羅尼諸佛所說甚深秘藏悉能受持深入禪定了達諸法於刹那頃發菩提心得不退轉辯才無礙慈念衆生猶如赤子功德具足心念口演微妙廣大慈悲

仁讓志意和雅能至菩提智積菩薩言我見釋迦如來於無量劫難行苦行積功累德求菩提道未曾止息觀三千大千世界乃至無有如芥子許非是菩薩捨身命處爲衆生故然後乃得成菩提道不信此女於須臾頃便成正覺

此文殊深讚入歲龍女利根依此妙法修行而能卽至菩提此其人也海中異類三毒穢濁柔弱女身而能具如是勝妙之德者正顯生死垢濁煩惱之體本是成佛智用也故云

能至菩提。且云刹那發心。卽得不退者。所謂一念轉移之力也。此實常情所難信。故智積生疑。釋迦多劫修因。乃得菩提。何以龍女須臾便成正覺。所謂得其旨者等諸佛於刹那失其門者。徒修因於曠劫。正顯妙法勝能非頃久淨穢之情可計也。

言論未訖。時龍王女忽現於前。頭面禮敬却住。一面以偈讚曰。

深達罪福相。徧照於十方。微妙淨法身。具相三

十二。以八十種好用莊嚴法身。天人所戴仰龍神威。恭敬一切衆生類。無不宗奉者。又聞成菩提。唯佛當證知。我闡大乘教度脫苦衆生。

此龍女現證以消狹劣滯相之執也。執釋迦之久修見龍女之罪垢。是皆不達罪福性空。唯文殊大智徧照。則了無異相。一際平等。何遲遠之有哉。我闡大乘教度脫苦衆生意在唯持妙法以度衆生也。

時舍利弗語龍女言。汝謂不久得無上道。是事

難信所以者何女身垢穢非是法器云何能得無上菩提佛道懸曠經無量劫勤苦積行具修諸度然後乃成又女人身猶有五障一者不得作梵天王二者帝釋三者魔王四者轉輪聖王五者佛身云何女身速得成佛

此身子生疑正示二乘執相之見也如身子所見女身五障絕無成佛之分此蓋常情所共執以不達法性本空了無男女淨穢之相知此可入平等實相矣

爾時龍女有一寶珠價直三千大千世界持以上佛佛卽受之龍女謂智積菩薩尊者舍利弗言我獻寶珠世尊納受是事疾不答言甚疾女言以汝神力觀我成佛復速於此當時衆會皆見龍女忽然之間變成男子具菩薩行卽往南方無垢世界坐寶蓮華成等正覺三十二相八十種好普爲十方一切衆生演說妙法

此龍女自示成佛之速也龍之所鍾愛者珠今龍女獻珠之頃當下成佛者表能頓斷法

愛則佛性現前所謂稟明於心不假外也。龍女忽然變成男子者示佛性無常了無男女之相。正破二乘執相之執也。卽往南方言明正爲南表離無明暗則藏性頓顯。佛體現前卽往南方無垢世界坐寶蓮華成等正覺也。以從妙法得悟故普爲衆生演說妙法。因身子生疑故龍女卽變男子當下成佛所以激發二乘正謂個個丈夫不若一弱女也。

爾時娑婆世界菩薩聲聞天龍八部人與非人

皆遙見彼龍女成佛普爲時會人天說法心大歡喜悉遙敬禮無量衆生聞法解悟得不退轉無量衆生得授道記無垢世界六反震動娑婆世界三千衆生住不退地三千衆生發菩提心而得授記智積菩薩及舍利弗一切衆會默然信受

此法會蒙益也。無垢世界六種震動者轉染令淨頓悟唯心之象也。娑婆衆生住不退地而得授記者因龍女激發而獲勝益。智積身

子大衆之疑頓釋故默然信受以此品顯示  
堅固當如釋迦之精勤自無疲厭之心。  
知龍女之速證菩提自無佛道長遠之怖此  
世尊以是方便教菩薩也

### 妙法蓮華經持品第十三

此品來意由前當機開解已得授記猶歷多  
劫成佛世尊慮恐小乘狹劣習氣未除復生  
佛道長遠之怖乃自敘往昔求法之難以消  
疲倦之心復以龍女當下成佛之事以發欣

慕之願故次之以持品者蓋此經是諸佛之  
慧命爲衆生正因之佛性若如來滅後人多  
弊惡最難奉持苟失其持則佛種斷絕此世  
尊之隱憂也故諸菩薩默領佛意安慰世尊  
願不有慮各願奉持廣說此經不惜身命也  
而五百弟子與學無學人亦領佛意亦各願  
於餘國廣宣此經以娑婆國土人多慢自  
量其力不能化度故也時佛姨母等諸比丘  
尼向來自視女身多障不敢希望佛果今見

龍女成佛之易亦自信成佛有分故請世尊特爲授記因亦願於他國廣宣此經以見不退之心也爾時世尊乃視八十億那由他菩薩而不言者意謂諸聲聞人雖願持經而未習涉俗利生之行不知遠害之方法力不克恐被留難使法緣不廣欲諸菩薩以調護之故諸菩薩默領佛意齊發誓願於如來滅後周旋往返十方世界唯以忍行受持此經然非已力皆是如來神力以守護之此乃將道此品來也

爾時藥王菩薩摩訶薩及大樂說菩薩摩訶薩與二萬菩薩眷屬俱皆於佛前作是誓言惟願世尊不以爲慮我等於佛滅後當奉持讀誦說

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

此經典後惡世衆生善根轉少多增上慢貪利  
供養增不善根遠離解脫雖難可教化我等當  
起大忍力讀誦此經持說書寫種種供養不惜  
身命爾時衆中五百阿羅漢得受記者白佛言  
世尊我等亦自誓願於異國土廣說此經復有  
學無學八千人得受記者從座而起合掌向佛  
作是誓言世尊我等亦當於他國土廣說此經  
所以者何是娑婆國中人多弊惡懷增上慢功  
德淺薄瞋濁諧曲心不實故

此因世尊前來極言此經難持而諄諄激勸  
且云誰能護持此經自說誓願故藥王樂說  
發願奉持也以藥王忘身捨執樂說具樂說  
辯所謂以不懈怠心乃能持耳故首衆發願  
世尊所慮末世難持此經者以人多弊惡故  
藥王願持先述弊惡之人以善根轉少難可  
教化若欲持經當起大忍力不惜身命此正  
領前如來教以入如來室等及給使仙人求  
法之勤苦如此乃可能持也以二大士激勵

二乘發起持經之誓願故五百阿羅漢同時  
發心願持然終不敢遊履娑婆當於餘國廣  
宣此經耳足見小乘狹劣之心未能遽捨也。  
爾時佛姨母摩訶波闍波提比丘尼與學無學  
比丘尼六千人俱從座而起一心合掌瞻仰尊  
顏目不贊捨於時世尊告憍曇彌何故憂色而  
視如來汝心將無謂我不說汝名授阿耨多羅  
三藐三菩提記耶憍曇彌我先總說一切聲聞  
皆已授記今汝欲知記者將來之世當於六萬

八千億諸佛法中爲大法師及六千學無學比  
丘尼俱爲法師汝如是漸漸具菩薩道當得作  
佛號一切衆生喜見如來應供正徧知明行足  
善逝世間解無上士調御丈夫天人師佛世尊  
憍曇彌是一切衆生喜見佛及六千菩薩轉次  
授記得阿耨多羅三藐三菩提爾時羅睺羅母  
耶輸陀羅比丘尼作是念世尊於授記中獨不  
說我名佛告耶輸陀羅汝於來世百千萬億諸  
佛法中修菩薩行爲大法師漸具佛道於善國

中當得作佛號具足千萬光相如來應供正偏  
知明行足善逝世間解無上士調御丈夫天人  
師佛世尊佛壽無量阿僧祇劫爾時摩訶波闍  
波提比丘尼及耶輸陀羅比丘尼并其眷屬皆  
大歡喜得未曾有卽於佛前而說偈言  
世尊導師安隱天人我等聞記心安具足  
諸比丘尼說是偈已白佛言世尊我等亦能於  
他方國廣宣此經  
吸長滿補具苦難轉大  
此佛姨母希記亦將同衆發起持經之心也

佛常隨女衆有六千人皆是新學佛姨母爲  
首向以女身多障絕無成佛之分今見龍女  
成佛亦各自信作佛故希望授記但不敢直  
請故以憂色目視如來欽渴之心益已切矣  
故如來呼其名而告之曰汝所以憂色而視  
如來者將無謂我不說汝名而授記耶然我  
已先總說千二百聲聞悉亦當作佛矣汝今  
欲特知記者汝與六千比丘尼當事六萬二  
千億佛皆爲法師以此說法因緣漸漸具足

菩薩之道當得作佛號。一切衆生喜見以說法開示衆生各各歡喜故感果號如之。其六千人次第授記而羅睺羅母耶輸陀羅比丘尼心亦希記故世尊亦特爲授記乃告之曰汝於來世亦事多佛爲大法師漸具佛道將來成佛號千萬劫相者以因中爲佛之妻能不著癡愛助成如來之萬德且又說法能開衆生之心性故果號千萬劫相宜矣既皆得記亦誓持此經然但在他方廣宣終怯娑婆。

以初學法力未充故也

爾時世尊視八十萬億那由他諸菩薩摩訶薩是諸菩薩皆是阿惟越致轉不退法輪得諸陀羅尼卽從座起至於佛前一心合掌而作是念若世尊告勅我等持說此經者當如佛教廣宣斯法復作是念佛今默然不見告勅我當云何時諸菩薩敬順佛意并欲自滿本願便於佛前作師子吼而發誓言世尊我等於如來滅後周旋往反十方世界能令衆生書寫此經受持讀

誦解說其義如法修行正憶念皆是佛之威力

惟願世尊在於他方遙見守護

卷四

東京大學総合図書館所蔵

此世尊顧視八十萬億那由他菩薩者。口雖不言意謂二乘劣弱不能於此世界廣宣此經。欲此諸菩薩末世護持所謂付囑有在也。以此諸菩薩皆居不退得總持門以是十方雲集之衆堪能荷負故也是諸菩薩已契佛心故敬順佛意并欲自滿本願故於佛前作

師子吼齊發誓言各願於如來滅後周旋往來十方世界護持此經是則不但娑婆一國土也。前世尊云誰能護持此經自發誓願故此諸菩薩深體佛意也。又願世尊於他方遙見守護以其末世難持須仗如來威神力故也。

卽時諸菩薩俱同發聲而說偈言  
惟願不爲慮於佛滅度後恐怖惡世中我等當廣說有諸無智人惡口罵詈等及加刀杖者我等皆當忍惡世中比丘邪智心詣曲未得謂爲

法華通義 卷四

得我慢心充滿或有阿練若納衣在空閒自謂行真道輕賤人間者貪著利養故與白衣說法爲世所恭敬如六通羅漢是人懷惡心常念世俗事假名阿練若好出我等過而作如是言此諸比丘等爲貪利養故說外道論義自作此經典誑惑世間人爲求名聞故分別於是經常在大衆中欲毀我等故向國王大臣婆羅門居士及餘比丘衆誹謗說我惡謂是邪見人說外道論義我等敬佛故悉恐是諸惡爲斯所輕言汝

等皆是佛如此輕慢言皆當忍受之濁刮惡世中多有諸恐怖惡鬼入其身罵詈毀辱我我等敬信佛當著忍辱鎧爲說是經故忍此諸難事我不愛身命但惜無上道我等於來世護持佛所囑世尊自當知濁世惡比丘不知佛方便隨宣所說法惡口而嗔感數數見擯出遠離於塔寺如是等衆惡念佛告勅故皆當忍是事諸聚落城邑其有求法者我皆到其所說佛所囑法我是世尊使處衆無所畏我當善說法願佛安

隱住我於世尊前諸來十方佛發如是誓言佛

自知我心

今日靈山一會世尊之可喜者諸三乘人皆  
契佛心各各授記其所慮者於惡世中此經  
難持而最難得者堅忍大力之人以持之此  
世尊之隱憂恐其佛種斷絕故也其諸得記  
聲聞皆不能已故默祝諸來雲集之菩薩故  
此諸菩薩敬順佛意誓願弘持故頌首四句  
頌敬順佛意惡世願持也其下歷言忍諸難

事以顯難持之所以有諸無智下四句通言  
弊惡之人後皆出家之魔類惡世中比丘一  
偈通言出家之邪慢或有阿練下八句言假  
名修行之魔類阿練若云寂靜處假稱修行  
以假爲真妄自尊大如六通之羅漢也是人  
懷恶心下十二句頌忍惡心言破法之情狀  
僞造經書貪求利養毀謗賢善真魔種也常  
在大衆中下十四句頌忍毀謗破法之事此  
諸邪慢最難忍者皆當忍之灑劫惡世中下

1 2 3 4 5 6 7 8 9 10

十二句頌。恐惡事。言以恐怖惡事爲惡鬼所附而撓害之。或罵詈毀辱以敬信佛故。恐此諸難身命尚不愛。況侵害乎。言但惜無上道以所重者佛種慧命。其餘一切皆不足計。以護持佛所囑之法爲重故也。世尊自當知下十句頌。恐見擯之事。謂所宣經典。獨惡比丘不知是佛隨宜所說。將謂我等自造故惡口而謗。或嗔惑而憎。甚至見擯不容安住於塔寺。此世尊自當知此等人。我等念佛告勅付

囑之心。則皆當恐此諸惡也。甚矣佛法之難弘宣也。若白衣生謗尚有可原。今皆佛之弟子自行破壞。弟子不信。則誰當信者。譬如獅子身中蟲。自食獅子身中肉。佛亦無如之何矣。世尊所憂正若今日也。苟非堅持忍力。何能堪此之怨害乎。諸聚落城邑下八句頌。在處弘宣。凡有求者。我皆身到。其所說佛所囑之法。以是世尊所使仗佛威神。故不畏艱難。一一善說。願佛安隱。不以爲虛也。以一乘佛

性發于其開示在佛。其悟入在機。故修從之。  
士苟非堅忍不拔之志。何由徹悟得到。親證  
實際之地。故須善知識調護。使其漸進深造。  
此世尊今日付囑護持此經。是在緣因佛性  
也。若但念誦文言。又何難之有。我於世尊下  
四句結頌領旨。前寶塔云。我滅度後。誰能護  
持讀說斯經。今於佛前自說誓言。故此領旨。  
故請世尊多寶并分身佛同作證也。

妙法蓮華經通義卷第四終





サノナ人